

欽定大清會典事例

欽定大清會典事例卷四百六十一

禮部

喪禮

高宗純皇帝大喪儀一

高宗純皇帝大喪儀。○嘉慶四年正月初三日。

高宗純皇帝崩。

仁宗睿皇帝截髮辮成服。儀親王等隨截髮辮成服。
孝和睿皇后時在

皇貴妃位。翦髮摘耳環成服。

惇太妃以下福晉公主以及凡宮人等俱翦髮摘
耳環成服。是日申時大斂奉

梓宮於

乾清宮中設

几筵建丹旒於

乾清門外之左

簡進爵大臣陳

法駕鹵簿於

乾清門外至

太和門外

仁宗睿皇帝行斂奠禮親王以下有頂戴官員以上和碩福晉以下佐領三等侍衛妻以上及包衣下

男婦等俱齊集。其內裏公主王等福音俱遵雍正十三年之例。在內齊集。○是日。

簡派睿親王溥穎儀親王永璇成親王永理大學士和坤王杰尚書福長安德明慶桂署尚書董誥尚書彭元瑞總管內務府大臣縕布成任總理一切喪儀。○又

諭予受

皇考付託之重。夙夜兢兢。今猝遭大故。

龍馭上賓。捨地呼天。五中摧裂。敬惟

皇考在御六十年來。教養萬國臣民。旰食宵衣。備極勞

瘁。此予所親知親見者。是以薄海內外。共享昇平之福。貽及子孫。追維

鞠育深恩。未由仰報萬一。其服制一節。欽奉

皇考遺誥。持服二十七日而除。但予自沖齡以來。荷蒙皇考教誨生成。於諸兄弟中。鍾愛期望。迥逾常格。自親授大寶後。孜孜

訓政。又逾三載。

高厚深仁。昊天罔極。實非自古帝王。樞前即位者可比。雖欽奉

皇考遺誥。以日易月。予心實有所不忍。即持服百日。亦

屬日月易盡。而哀慕無窮。自當恪遵古制。敬行三年之喪。庶幾稍盡思慕之忱。至於

郊

廟祭祀大典。自不應因大喪而稍略其禮。其應如何遣官恭代及親詣行禮之處。著諸王大學士等查照向例集議以聞。所有天下臣民應持服制。仍照定例舉行。○又

諭我

皇考大行太上皇帝。繼統緒則為守成論

功業則兼開創。自宜崇稱

祖號以副

鴻名惟是

聖德謙沖曾同軍機大臣等共承

面諭萬年之後當以稱宗為是予雖欲極意尊崇不敢

上達

遺訓惟

至德難名究非臣下所能擬議謹案詮法肇紀立極曰

高我

皇考聖神文武式廓

鴻基敬上

廟號曰

高宗。為百世不祧之廟。其應擬

尊益微稱。著大學士九卿等。敬稽典禮以聞。用副予尊

崇

謨烈孺慕顯揚至意。○又

諭。雍正十三年

皇祖世宗憲皇帝龍馭上賓。其時各省督撫提鎮及藩

臬等。多有陳請叩謁

梓宮者。曾經

皇父降旨停止。今遭

大行太上皇帝大事。除直隸總督提督鹽政。距京較近。自應來京恭謁。

梓宮。總兵藩臬以下。俱不必來京。致曠職守。其各省將軍督撫副都統提鎮城守尉。並盛京侍郎奉天府尹。及西北兩路將軍大臣。並鹽政織造關差等。均著遵前例不必來京。惟當實心任事。仰副

皇考之委任。不在儀節虛文也。○又奏准。

凡筵前每日點香錠看守之處。交與總管太監。所有王以下文武各官宗室覺羅等。公主福晉以下。鄉君奉恩將軍妻恭人以上。民公夫人以下。佐領

廟壇

三等待衛妻以上宗室之女等。俱成服。內務府官員領催拜唐阿等。俱截髮成服。內府三旗官員護軍領催拜唐阿之妻及管領下執事男婦等。俱剪髮成服。革職宗室覺羅亦准成服。在京之外藩公主福晉格格等額駙王台吉等及外國貢使均令成服。其二十七日内至京者一體成服。二十七日後至者。男去冠纓。女去首飾。凡三日。至專司。

堂子

奉先殿

壽皇殿

坤寧宮祭

神殿

陵寢。一應祭祀事務官員內監等及出征在軍營官兵家屬均停止孝服。凡有父母新喪子女出痘者亦暫免成服。仍百日不雜髮。

御前王大臣侍衛

乾清門侍衛等咸令在

乾清門內。五旗王以下。八分公以上。內大臣。內閣大學士。前鋒統領。護軍統領。上三旗都統。副都統。學士等。上三旗侍衛。閒散宗室。覺羅包衣官員。咸在。

乾清門外齊集。五旗都統。副都統。八旗官員。各部院滿漢大臣。官員在京之大臣。官員。凡應齊集人員。俱在。

景運門外各分翼齊集。每日三次。俟。

梓宮前奠獻時。按班舉哀行禮。在內公主福晉等。在。

景山柵欄外乘馬進。

神武門。至。

蒼震門下馬進內。於

凡筵殿內行禮。五旗王等。福晉郡主等。在

景山柵欄外乘馬進

神武門。至。

隆宗門下馬進內。大臣等命婦應進內者。在

景山柵欄外乘馬至

神武門下馬。步行進

隆宗門。於

凡筵殿下丹墀右行禮。其不應進內之命婦等。於

隆宗門外齊集。每日三次。隨班舉哀行禮。凡三日。
第四日。王貝勒貝子公等公主王之福晉等在
各私第齋室。部院官員在各公署。八旗及閒散
官員在各衙門。喪服二十七日。於每日齊集時
均齊集。恭理喪儀。王大臣守衛執事各官。喪服
百日。王公官員軍民人等。均百日不雜髮。近派
宗室。二十七個月內不嫁娶。遠派宗室及在京王
公大臣文武官員。期年內不嫁娶。二十七個月內
不作樂不燕會。在京兵民人等。摘纓緯穿素服
二十七日。百日內不嫁娶。不作樂。文武候補候

選官員肄業貢監生吏典僧道官俱穿素服。在順天府齊集三日。早晚舉哀。未脫孝內。批本用藍筆。各部院奏章。俟十五日後再行進奏。二十七日內奏疏文移。俱用藍印。所有京城寺廟。各撞鐘三萬杵。○每日朝晡日中三奠。

法駕鹵簿全設。內外齊集。屆時禮部堂官奏請

仁宗睿皇帝出倚廬詣

几筵前。東立西嚮哭。衆傳哭。迺啟

宮門。恭理喪儀。王大臣及執事官。率尚茶尚膳官奉茶膳。由中門中路進。至

几筵前尚茶跪進茶。內外齊集人員咸跪。

仁宗睿皇帝親舉茶。恭奠於茶几。行一拜禮。眾皆隨行禮。尚茶徹茶。次尚膳進膳。

仁宗睿皇帝親上食畢。執事官進奠几於正中。

仁宗睿皇帝詣奠几前跪。奉爵大臣跪進爵。

仁宗睿皇帝祭酒三爵。每祭行一拜禮。眾皆隨行禮興。乃徹饌。闔門哀止。

仁宗睿皇帝還侍廬。眾各退。○初四日。王大臣等奏稱。孝經云。天子以德教加於百姓。施於四海為孝。是以天子之孝與士庶人不同。

萬幾至重。凡

視朝聽政及恭遇

郊

廟大祀。皆屬政典攸關。若持服三年。未免曠廢。况

大行太上皇帝龍馭上賓。

皇帝孝思罔極。呼號擗踊。盡禮盡哀。實為古來所未有。

已足申哀慕之忱。伏願

皇帝念

天

地

祖

宗付託之重。天下臣民待治之殷。勉遵

遺誥。俯順輿情。本日奉

諭。據王大臣奏稱三年之喪難以舉行。請依舊例以二
十七日除服一摺。所奏未能深悉予意。予受

皇考鞠育深恩。昊天罔極。忽遭大故。泣血痛心。雖哀慕
終身。尚難仰報

慈恩於萬一。非以持服三年遂為盡孝也。我

皇考臨御六十年來。勤求上理。宵旰焦勞。及授靈藐躬。

猶復孜孜

訓政內外咸霑

德化。

謨謀貽及子孫。予與天下臣民同深感戴。服制一節。臣民自宜欽遵舊例。若予則親承

付託之重。渥蒙

顧復之恩。以日易月之制。實不忍行。况三年之喪。達乎天子。載在禮經。輟轉思維。終以持服三年為允協。至於

郊

廟祀典軍國政務。仍可於持服中綜理。兩不相妨。予意

已定。諸王大臣等毋得再請。其如何舉行三年之喪。仍著詳稽典禮。確議具奏。○初六日。王大臣等奏稱。

我

皇帝哀慕之情。至誠且篤。自應謹遵

諭旨。用慰

孝思。但再四思維。

明禋鉅典。既有常期。朝會隆儀。不容久曠。從前

世宗憲皇帝升遐之日。

大行太上皇帝屢頒

諭旨。欲俟三年釋服。經諸臣引據經義。合辭陳懇。荷蒙

聖鑒。俯從所請。持服百日。今我

皇帝孝思。肫篤。思慕無窮。而大禮服制。著有定儀。臣等
不得不披瀝下忱。再行瀆請。伏祈

皇帝仰體

付託之重。

俯鑒臣工哀懇之忱。循照舊例。即頒

俞旨。下慰羣情。疏入。奉

諭。昨據王大臣奏。三年之喪。難以舉行。請依舊制。以二
十七日除服。朕因哀慕至情。萬不能已。業經降旨。明
白宣諭。憶朕仰承

皇考鞠育顧復深恩。昊天罔極。今忽遭大故。

龍馭上賓。自念並無纖毫報答。惟有持服三年。庶幾稍盡思慕之誠於萬一。今王大臣等復以大禮服制。著有定儀。

皇考太上皇帝於

皇祖升遐之日。亦係持服百日。請循舊制舉行。覽奏嗚咽。哀慟倍深。但諸臣以

皇考持服日期。再三陳懇。朕亦何敢以孺慕私忱。有踰成典。不得已勉從所請。縞素百日。仍素服二十七月。稍申哀悃。至三年內。凡遇

郊

廟大祀百神羣祀。及御門聽政一切典禮服色。著王大
臣查照成例敬謹辦理。○初七日奏准。向例

詔書頒發朝鮮國。請

欽派正副使各一員前往。若該國貢使在京。即交該使
臣齎回。今朝鮮國使臣在京。

大行太上皇帝龍馭上賓。普天哀慟。朝鮮國較之諸外
藩歸命最先。受

恩尤重。仍請遣官頒發。以符體制。○初八日。恭頌
遺誥。工部官豫設黃案於

几筵殿之東。內閣學士自閣奉

遺詔。內閣官前引。至

乾清門用

寶。大學士奉

詔自中門入。至

几筵殿檐下。

仁宗睿皇帝立殿檐東。恭受。自中門入。奉安於黃案上。

行一跪三叩禮興。由左門出。西嚮立。大學士入

右門。至黃案前。跪。行三叩禮。奉

遺詔興。出中門。

仁宗睿皇帝跪候

遣誥過興。還侍廡。大學士奉至。

乾清門外。授禮部堂官。禮部堂官行三叩禮。跪接。
安置雲盤內奉出。禮部官前引由中路出。

後左門

中左門

太和門

午門至

天安門外。安設於

誥臺上。張黃蓋。王公百官喪服。率耆老軍民三跪九叩。

興。復跪。恭聽宣讀畢。立舉哀。復行三跪九叩禮。
禮部官恭奉

遣誥於龍亭內出

大清門。至禮部。恭錫膳黃。頒發天下。○直省文武
各官於

誥書到日。率紳士耆老。摘纓素服。出郊跪迎。至公署安
設。行三跪九叩禮。跪聽宣讀畢。立舉哀。復行三
跪九叩禮。文武官均成服。朝夕舉哀。凡三日。至
二十七日除服。命婦等亦穿素服。二十七日。直
省官百日不嫁娶。期年內不作樂。軍民人等均

素服二十七日。一月內不嫁娶。百日內不作樂。官員軍民人等。以

宮中大事之日為始。均百日不雜髮。督撫提鎮等官進香。均行停免。領兵出師之大臣等。

誥書到日。率官員兵丁摘冠纓。穿素服。跪迎入軍中。安設。行三跪九叩禮。聽宣畢。立舉哀。復行三跪九叩禮。官兵皆摘冠纓三日。遣使頒發。

遣誥於朝鮮國。國王率羣臣素服恭迎。止鼓樂。使臣就館。不受燕饗。外藩蒙古諸部遣理藩院官齋往。儀與朝鮮國同。○初十日奏。十七日行殷奠禮。

奉

旨。紙堆處祭酒著派儀親王。又奉

旨。著儀親王成親王慶郡王輪流祭酒。○十四日奉。正

月二十一日行啟奠禮。二十三日奉移

梓宮於

觀德殿。

皇帝親詣奠酒畢。還宮。午晚二供。照例派王奠獻。二十

四日。恭請

皇帝親詣

几筵前三次奠獻居

永思殿倚廡二十五日行初祭禮早供恭請

皇帝親奠畢還宮。午晚二供。派王奠獻二十六日行繹祭禮。照例派王三次奠獻。至二十七二十八兩日恭請。

皇帝親詣三次奠獻居

永思殿倚廡二十九日行大祭禮早供

親奠畢還宮。午晚二供。派王奠獻二月初一日行繹祭禮。派王三次奠獻初二日恭請。

皇帝早午二供

親詣奠獻畢還宮。晚供。派王奠獻初三日行初滿月禮。

早供

親奠畢還宮。午晚二供。派王奠獻。初四日。派王三次奠獻。初滿月後。照例恭請。

皇帝間一日

親詣一次。二滿月後。間二日

親詣一次。百日後。間數日

親詣奠獻一次。奉

旨。百日後。數日一次。改間三日。親詣一次。○十六日。奏梓宮奉移。

殯宮後。點香。銜太監。交與宮殿總管首領請。

旨奏派。每日三次照常供獻。滿月以內照常三次陳設。

法駕鹵簿。滿月後停止。遇祭日陳設。

法駕鹵簿。百日以內。內務府三旗佐領管領下官員護軍領催拜唐阿男婦分作六班。一旗一佐領作一日。一旗一渾托和作一日。輪班於三時供獻。時齊集舉哀。○是日王大臣等奏伏見。

大行太上皇帝升遐以來。

皇帝至孝。肫誠哀慟。沈摯。每日跪奠。涕泗交頤。不能起。

立。

起居廬次。時切悲哀。凡屬臣工。皆為感動。伏思。

大行太上皇帝付託至重。

天

地

宗廟

社稷所關甚大。天下臣民莫不仰賴

聖躬。

皇帝純孝性成。至情不能遏抑。是以臣等未敢遽求節

哀。但今已逾旬。仰見

天顏瘦減。臣等實增悚切。為此合詞具奏。敬請

皇帝勉抑哀忱。保護

聖躬。以上慰

大行太上皇帝在

天之靈。下答天下臣民之望。本日奉

旨。朕受

皇考深恩。逾於尋常。今猝遭

大事。五內摧裂。實不能已。諸王大臣愛戴之誠。甚屬真摯。應節哀之處。自當勉強抑制。○十七日。行殷奠禮。

楮錠楮錢色楮各三萬。饌筵二十一席。羊九。酒十一尊。五鼓。工部設幕於

乾清門外之西。置奠几。陳燎牀於燎所。具楮幣。設

祭文案於

几筵殿內稍西。鑾儀衛官校陳

法駕鹵簿於

乾清門外。內監設

冠服篚於供牀。恭理喪儀王大臣內務府大臣率執事

官陳果筵於

几筵前。列饌筵於丹陛兩旁。陳羊酒於幕內。讀祝官奉

祭文。禮部堂官二員前引。由

乾清門中門入。設於案出。王公百官公主福晉命

婦等各辨位集俟。屆時。禮部堂官奏請

仁宗睿皇帝詣

几筵前。東立西嚮。舉哀。衆咸舉哀。尚茶跪進茶。衆皆跪。
仁宗睿皇帝舉茶奠於案。行一拜禮。衆隨行禮。尚茶徹
茶。次尚膳進膳。揭巾窶。

仁宗睿皇帝親上食畢。讀祝官恭奉祭文於案左跪。禮
部堂官二員左右跪。恭展祭文。執事官進奠几。
仁宗睿皇帝於奠几前跪。衆皆跪。哀暫止。讀畢。復於案
退。舉哀傳哭如初。奉爵大臣跪進爵。

仁宗睿皇帝祭酒三爵。每祭一拜興。衆隨叩興。

仁宗睿皇帝復位。乃徹饌。讀祝官奉祭文。禮部堂官前

引。由中門出。至燎所東旁避立。內監恭請。

冠服。籬宮殿監侍二人前引。由中門出。

仁宗睿皇帝豫出。

乾清宮左門。

冠服至跪候。過興還倚廡。

冠服至月臺。內大臣十人前引。由中門出。齊集之王公。

大臣官員等按翼排立。俱跪候。過隨行至燎所。

候。

冠服恭安於燎牀畢。讀祝官將祭文安於。

冠服前。派出之奠酒王祭酒三爵。禮部堂官奉爵。每祭。

行一叩禮。衆皆隨行禮。舉哀畢。各退。○是日王大臣等奏稱。

皇帝孝思純篤。追慕無窮。特頒

諭旨。於百日後仍素服二十七箇月。令查照成例敬謹辦理。謹查照雍正十三年乾隆四十二年所定條件。並面奉

指示各條。悉心酌覈。分單進呈。○百日內。

皇帝服縞素。百日請髮易素服。至

詣

几筵前仍服縞素。○百日內恭遇

大祀。俱遣官行禮。百日外。

皇帝親詣行禮。如孟春孟夏孟秋時饗。仍俱遣官行禮。其孟冬時饗。歲暮禘祭。

皇帝親詣行禮。齋戒。日用常服。不挂朝珠。恭遇

皇帝閱視祝版。先期宿

壇。用常服挂朝珠。不御龍袍褂。乘禮輦。不御輦。祭日。朝服作樂。還宮時。導迎鼓樂。設而不作。元旦

堂子行禮。

皇帝御龍袍褂。一百日外遇

祖宗聖誕。

皇帝親詣

奉先殿行禮。穿龍褂藍色袍。挂朝珠。忌辰仍穿素服。

二十七月內。凡中祀羣祀。俱遣官行禮。

宮內祀

大神。俟百日後舉行。

皇帝親詣行禮。穿龍褂藍色袍。挂朝珠。二十七月內。

元旦日。

皇帝御貂皮褂。挂朝珠。不

御殿受賀。前後三日。御貂皮褂。不挂朝珠。忌辰仍素服。

一。二十七日外百日內。尋常

召見大臣官員及引

見官員。俱於便殿辦理。

皇帝仍服縞素。二十七月內俱素服。一遇

萬壽聖節。正日

皇帝御常服。其前三日後三日仍穿素服。一二十七

內。恭遇開

寶。穿青長袍褂。其百日外二十七月內封。

寶開

寶。穿龍褂藍色袍。挂朝珠。一傳臚不

升殿。一

御門

經筵

耕藉等禮俱於二十七月後舉行。

皇貴妃親蠶。百日內奏派王福晉一人恭代。穿常

服。百日外二十七月內。

皇貴妃行禮用吉服。不穿朝服。

壽康宮內庭主位。百日釋縞素。二十七月內俱穿素服。

。

乾清宮內庭主位

皇貴妃百日縞素。二十七月內穿素服。各主位二

十七日釋縞素。二十七月內用常服。遇元旦

萬壽聖節。正日

皇貴妃用吉服。其前後三日用常服。各主位遇元

旦

萬壽聖節。前後七日俱用吉服。二十七月內。門神對

聯。

中和殿

中和殿

保和殿

坤寧宮仍照常張挂。餘俱俟二十七月後張挂。

王公文武大臣官員。二十七日内俱服縞素。二十七日外百日内。穿青長袍褂。帽緞纓。夏季戴雨纓帽。至。

几筵前仍摘纓。其

御前大臣侍衛

乾清門侍衛。隨

駕詣

几筵前仍服縞素。百日外二十七日内。王公文武大臣官員。仍服青褂藍袍。夏季戴緯帽。至

山陵前。仍俱服青長袍褂。帽緞纓。一。二十七日及百日

內恭遇

大祀。俱遣官恭代。承祭執事各官典禮服色。由禮部具奏。至百日外二十七月內。若恭遇

皇帝親詣行禮齋戒日期。各官俱常服挂朝珠。恭遇

皇帝閱視祝版。及先期省牲視牲宿

壇。各官俱穿補褂。冬穿貂褂。挂朝珠。不穿蟒袍。祭日咸

朝服作樂。一百日內遇中祀羣祀。遣官致祭。承

祭執事各官俱素服行禮。樂設而不作。百日外

二十七月內常服齋戒。祭日朝服作樂。二十

七月內。元旦隨

駕詣

堂子王公大臣官員俱穿蟒袍補褂。挂朝珠。是日百官俱穿蟒袍補褂挂朝珠。其前三日後三日俱常服朝珠。

萬壽聖節。正日王公大臣官員俱穿蟒袍補褂挂朝珠。前三日後三日俱常服朝珠。二十七日内。遇開印日期。各衙門堂官酌派一員前往拜印。穿青長袍褂。帽摘纓。一百日外二十七日内。常朝坐班。開封印信。俱穿補褂挂朝珠。一百日外二十七日内。遇朔望。穿常服不挂朝珠。一奉移

梓宮至

山陵隨從人員在途俱穿青長袍褂。帽緞纓。禮成後恭

奉

神主回京。仍穿青長袍褂。帽緞纓。一百日外二十七月

內。

皇帝恭謁

山陵。隨從人員在途穿青長袍褂。帽緞纓。謁

陵日帽摘纓。回京時仍穿青長袍褂。帽緞纓。一百日內。

引

見官員俱穿青長袍褂。百日外穿青褂藍袍。遇朔望穿

常服。一百日內。雨衣雨帽。氈褂。不論品級。俱用青色。百日外。帽套各按品級。雨衣氈褂。仍用青色。外省在京各員。赴

天安門謝

恩俱穿常服。如遇鄉試會試之年。停止筵燕。內外簾各員謝

恩穿常服。挂朝珠。二十七月內。各衙門開封印信告條。仍舊黏貼。其王公大臣官員各宅對聯門神。至二十七月後張挂。二十日。大學士九卿等敬謹擬上

尊諡徽稱曰

法天隆運至誠先覺體元立極敷文奮武孝慈神聖純
皇帝。

廟號曰

高宗。天下萬世稱為

高宗純皇帝。奉

旨。前諭大學士九卿等欽遵

皇考遺訓稱宗。敬上

廟號曰

高宗。為百世不祧之廟。茲據王大臣等合詞議上

尊諡曰

純皇帝於我

皇考聖德神功實相符合。此乃天下萬世公論。非朕一人孺慕顯揚之私悃。亦非臣下尊崇稱頌之私情也。

我

皇考至誠無息。久道化成。

健運以法

天體仁以育物。巍巍蕩蕩。

至德難名。今據所奏。敬擬上

尊諡。詳慎公允。足以昭示萬禩。甚愜朕心。所有應行典

禮該部敬稽成例具奏。○又

諭。據總理喪儀王大臣等奏。本月二十三日奉移

梓宮。請朕步送至東華門外。即乘轎出神武門。先至觀

德殿恭候

梓宮到時。再至景山東門外跪迎等語。在王大臣等愛
君之忱。當出乎此。但朕敬查大禮記注。

聖祖仁皇帝梓宮奉移之日。

皇祖即步行送至

壽皇殿。且有

允許管道官兵舉哀之

旨維時

皇祖春秋已四十五歲矣。今朕年甫四旬。精力正強。且有御前侍衛扶掖而行。道路亦不為甚遠。儘可躬自恭送。以求得朕心之安。至於隨時節哀。朕亦自有為國自重以期仰承

付託之道。所有王大臣等額懇之奏。著不必行。○二十

一日。行啟奠禮。

因二十二日。因二十二日。因二十二日。因二十二日。讀文致祭。王公百

官公主福晉命婦等咸齊集。陳設饌筵各祭物。

奠獻送燎。儀與殷奠同。○又

命禮部詳稽典禮。恭上追崇

孝賢皇后

孝儀皇后尊諡。○二十二日奏准前因初八日孟春時

饗

太廟。十二日祭

祈穀壇。此二祭俱在

大行太上皇帝初喪期內。禮隆

天

祖。而義別尊親。酌議孟春時饗

太廟。照順治十八年正月十一日之例。承祭官素服行

禮。樂設而不作。百官咸不陪祀。其祭

祈穀壇仍照例祭服作樂。至二月初十日祭

社稷壇。四月初一日孟夏時饗。

太廟。應請俱照雍正十三年議准之例。照常作樂。承祭陪祀執事各官均祭服將事。其省牲視牲先期齋戒。均用素服。○二十三日奉移。

梓宮暫安於

觀德殿。

仁宗睿皇帝步行恭送。五鼓鑾儀衛官校陳

法駕鹵簿。上駟院備馬四十匹。駝包十八副。恭理

喪儀。王大臣率執事官校入。徹黃龍帳幔。白綾

圍幔供牀香案香几把蓮銀五供等。豫送
殯宮。工部陳大昇舉及小舉於

景運門外。校尉民夫均服其服。分班立俟。屆時禮
部尚書奏請

仁宗睿皇帝詣

梓宮前。執事官進奠几

仁宗睿皇帝祭酒三爵。每祭行一拜禮。興。立於左。恭理
喪儀王大臣內務府工部鑾儀衛大臣率執事
官及穿避衣校尉入內。進小舉。恭奉

梓宮登小舉。

仁宗睿皇帝恭導

梓宮出

乾清門中門。至

景運門外。

梓宮登大昇舉。

仁宗睿皇帝於東北隅西嚮跪禮部堂官祭舉奠酒三爵。每奠行一叩禮。衆隨行禮畢。焚楮錢。初班校尉恭昇

靈駕行。

法駕鹵簿前導。

靈駕啟行時。

仁宗睿皇帝興於

靈駕左步行。後扈人員隨行。

皇子並

御前侍衛近前行走人員亦隨行。

靈駕出

東華門換二班時。

仁宗睿皇帝西嚮跪。眾皆跪。

靈駕啟行。

仁宗睿皇帝跪候過興隨行。

梓宮出宮後。

大內宮眷由

神武門豫往

觀德殿後祇俟。內裏行走之公主福晉等亦豫往

殯殿大門內齊集。郡主福晉以下入八分公夫人以上。

豫往

殯宮大門內西旁齊集。未入八分公夫人以下三等侍

衛內府三旗官員之妻以上。豫往

殯宮大門外西旁齊集。恭候

靈駕至。舉哀跪迎。包衣渾托和拜唐阿護軍領催等之

妻在

景運門外箭亭北頭跪。舉哀候過。由閒道豫往在
三旗官員妻之次齊集。內大臣侍衛於

乾清門外按班齊集。王以下公以上及閒散宗室
覺羅等在

東華門外按翼齊集。內務府官在北池口外齊集。
左翼大臣官員等在北池口內齊集。右翼大臣
官員等在風神廟大街齊集。漢大臣官員在沙
灘齊集。皆候

靈駕至舉哀跪迎。候過隨行。恭理喪儀。王大臣禮部工

部內務府堂官在

靈駕兩旁隨行。恭昇

靈駕人等共分六班。每班各八十人。外豫備八人。初班未班俱用校尉。其餘四班用民夫。由五城選派人役。均衣遜衣。分班恭昇。換班時。服喪服頭目四人。擊響尺。每班管轄。自公侯伯頭等侍衛以下。參領輕車都尉以上。並給事中。御史。郎中。員外郎等官。每班八員管轄。派鑿儀衛官四員。指示進退。換班行走。昇引。舊人等亦分六班。每班三十二人。外豫備四人。俱穿遜衣。幫助牽引。舊

繩每班派部官四員。包衣官四員。管轄所過門橋派內大臣各祭酒三爵。每祭一叩興。焚楮錢。包衣官員由

東華門外撒楮錢喇嘛一百八名。豫往

殯宮大門外西旁恭迎

靈駕。並豫行安設鷹狗於大門外。

靈駕至

殯宮大門前。降大昇舉。登小舉。

仁宗睿皇帝豫於門外之左跪迎哭。衆皆跪哭。校尉恭

昇

梓宮入中門至

殯殿。

仁宗睿皇帝隨入立於殿檐東。

皇子近支王等立於階下。近

御王大臣等於大門內。王公至奉恩將軍大學士公侯伯子男至副都統副都御史蒙古王至台吉等閒散宗室覺羅等俱於大門外東旁。其餘官員等在

景山東門內排立舉哀。恭理喪儀王大臣率官校奉安

梓宮於

殯殿正中。設

几筵。

仁宗睿皇帝詣

梓宮前祭酒三爵。每祭行一拜禮。衆皆隨行禮畢。焚楮

錢引旛。闔門哭止。

仁宗睿皇帝還宮。衆皆退。○是日王大臣等奏奉移

梓宮至

觀德殿。

皇帝步行恭送。悲慟之忱。哀戚之狀。凡在夾道軍民。莫

不感動悲愴。

皇帝純孝性成。自昔視膳問

安。日侍

太上皇帝左右。茲當

梓宮奉移。哀感至情。自難遏抑。嗣後初祭大祭。禮文正

繁。

皇帝過於悲哀。轉無以上慰

在天之靈。伏祈

皇帝保護

聖躬。勉加抑制。奉

旨。朕承

皇考付託之重。豈不知節哀愛身。但人子之情。實不能已。二十五日。行初祭禮。用楮幡一。楮錠二十萬五千。楮錢十四萬五千。色楮五萬。畫緞一萬端。饌筵八十一席。餼食九。酒四十二尊。羊二十七。工部設幕於

殯宮二門外之西。置奠几。設祭文案於

殯殿內稍西。陳燎具。楮幣。鑿儀衛官校陳

法駕鹵簿於大門外。恭理喪儀。王大臣內務府大

臣等率執事官陳果筵於

几筵前。列饌筵於丹陛兩旁。陳羊酒於幕內。讀祝官奉

祭文。禮部堂官二員前引由

殯殿中門入。設於案出。近

御王公大臣以及文武百官公主福晉命婦等各辨位

集俟。

仁宗睿皇帝行禮時。俱隨行禮。舉哀讀祝奠獻送燎儀

與殷奠同。○二十六日。繹祭。遣官行禮。用楮錠

二萬。楮錢一萬。饌筵十一席。酒五尊。羊五。禮部

工部內務府光祿寺堂官各率屬將事。其致祭

陳設如儀。○是日奏。

几筵前行大祭禮後除奉

旨親詣之日外其餘每日三次供獻應請

欽派王大臣二十員輪班奠酒。○二十九日行大祭禮。

王公文武百官公主福晉命婦咸齊集。讀文奠
獻送燎陳設祭物。儀與初祭同。○次日釋祭。遣
官行禮。陳設禮儀。與初祭次日釋祭同。○二月
初一日奏准恭上

尊諡

廟號應用玉

冊玉

寶香

冊香

寶絹

冊絹

寶及盞箱祇架等項俱交工部敬謹成造。

冊文

寶式交翰林院撰擬所有書寫刊刻填青各吉期由欽

天監選擇俟

冊

寶告成之日由部以恭上

尊諡典禮具奏。○初三日。行初滿月禮。讀文致祭。楮錠五萬。楮錢五萬。饌筵二十一席。酒九尊。羊九。王公百官公主福晉命婦等俱齊集。陳設奠獻送燎儀與初祭同。○十一日起。漆飾

梓宮。照例共漆飾四十九次。○又奉旨。奉移

梓宮。原定於八月二十七日。但朕依戀之忱。有所不忍。著改於九月初二日奉移。○十八日奉准

高宗純皇帝升祔

太廟神牌。及供奉

陵寢饗殿神牌。應請交工部於

山陵配殿豫期恭造。其

升祔

奉先殿神牌。於

奉先殿神庫內恭造。至

孝賢純皇后

孝儀純皇后升祔

太廟。應將

奉先殿供奉之題主

神牌。擇吉恭請。至

太廟。漆飾改題。並另製

升祔

奉先殿神牌。改題

陵寢饗殿神牌。恭俟安奉

高宗純皇帝神牌時一同安奉。

欽定大清會典事例卷四百六十二

禮部

喪禮

高宗純皇帝大喪儀二

嘉慶四年三月初一日。行清明禮。

仁宗睿皇帝詣

几筵前致祭。不設

冠服。不讀文。不焚楮錠。恭進楮錢寶花一座。饌筵二十

五席。羊九。酒十五尊。王公百官公主福晉命婦

等咸齊集。陳設禮儀。與初祭同。○初三日。行二

周月禮。楮錠二萬。楮錢一萬。饌筵十一席。酒五

尊。羊五王公百官公主福音命婦等俱齊集。陳

設禮儀與周月同。惟不讀文。以後凡滿月。禮俱仿此。○初

八日定

高宗純皇帝陵為

裕陵。○又

諭。朕諒陰持服二十七日内。遇

郊

廟大祀典禮。應用服色。前經指示酌定。至百日大祭之

辰。親詣行禮後。仍服縞素還宮。在宮內易用青長袍

褂。御雨纓冠。遇親詣

几筵日期仍用縞素。回宮再易青長袍褂。御雨纓冠。辨事引見。○又

諭王公文武大臣官員百日外應穿服色。經前此酌定。其總理喪儀之睿親王溥穎。儀親王永璇。成親王永理。大學士王杰。慶桂。署尚書董誥。尚書德明。彭元瑞。侍郎縕布。並慶郡王永璘。定親王綿恩。固倫額駙拉旺多爾濟。公阿克棟阿。公鑾儀使阿迪斯。於百日大祭之辰。行禮後俱著循例釋服。於燎所焚燒縞素。易換藍袍。或灰色袍。青褂。冠綴纓緯。如遇朕親詣几筵。著隨往王公大臣及眾官員等。穿青袍褂。帽仍摘

纓。○又定百日内服編素之王公大臣官員等於換戴涼帽時俱戴摘纓涼帽。襯用紅圈。上綴小青。色結頂領用青色。至百日外領用月藍。於隨

駕詣

几筵時帽仍摘纓穿青袍褂。○四月初四日。以初七日

恭上

尊謚。

仁宗睿皇帝素服冠綴纓緯。前期齋戒。○初六日遣官

告祭

天

地

太廟後殿

社稷。承祭大臣及執事官均朝服。告祭

奉先殿。承祭大臣及執事官均補服。○初七日早。鑿儀

衛陳

法駕函簿於

觀德殿大門外。執事各官暨齊集之王公大臣官

員等。均素服冠纓。內務府太常寺官設祭品。陳

帛爵。點香燭。設

冊

寶案於

梓宮前。

冊案在左。

寶案在右。設香案於稍前正中。設祝案於右。再設一案於東旁。豫備獻舉以前安供香。

冊香

寶。又設一案於東旁稍次。豫備奠獻以前安供帛爵。鴻臚寺同工部官於

太和門階上正中設黃案二。

冊案在左。

寶案在右。鑾儀衛官設黃亭二於

太和門階下正中。

冊亭在前。

寶亭在後。禮部堂官二員。豫奉絹

冊絹

寶連匣安設於黃亭內。執事大臣官員等序立於階下
之左。內閣大學士二人。自內閣恭奉香

冊香

寶連匣由中階上。奉安於各案。自匣內請出。行一跪三
叩禮。退立於階下之左。鑾儀衛官豫設拜褥於

太和門正中。禮部堂官奏請

仁宗睿皇帝素服。御雨纓冠。乘輿出

乾清門。由

中左門至

太和門北階降輿。禮部堂官導引。由

太和左門出。詣案前北面立。恭閱

冊

寶畢。就拜位行一跪三拜禮。轉立東次。大學士二人。詣

冊

寶案前。仍安於匣內。各行一跪三叩禮。興。恭奉

冊

寶由中階下。安設於各黃亭內。復行一跪三叩禮。禮部

堂官奏禮成。

仁宗睿皇帝乘輿還宮。校尉昇亭。

冊前

寶後。由中路出。導以

御仗二。黃蓋一。禮部堂官侍衛並十大臣前引。奉

冊

寶大臣暨執事官在黃亭後隨行。內大臣等於

午門內金水橋兩旁。王以下八八分公以上。於

協和門外。按翼排立。候

冊

寶亭至。皆跪候。過隨行。禮部司官十人。祇候出

東華門外。乘馬前行。所有前引各官俱步行。不入
八分公以下。四品官以上。豫集

景山大門外。候

冊

寶亭至。跪迎。黃亭至

觀德殿大門外止。大學士二人。禮部堂官二人。各
詣黃亭前行三叩禮。大學士恭奉香

冊香

寶禮部堂官恭奉絹

冊絹

寶前引十大臣暨禮部堂官二人前引由中門中路行至月臺下前引十大臣止於階下排立禮部堂官二人引至殿門外止大學士恭奉香

冊香

寶入殿中門並陳於東旁黃案上禮部堂官恭奉絹

冊絹

寶陳於案上各行三叩禮出太常寺司拜褥官豫設拜

褥於行禮處。欽天監官報時。屆禮部堂官奏請
仁宗睿皇帝服縞素。乘輿出宮。至

觀德殿外降輿處降輿。執事各官暨齊集之王公
大臣官員等。均素服摘纓。贊引對引官恭導

仁宗睿皇帝入殿。就正中拜位前立。鴻臚寺官引王以
下。八八分公以上。按翼由大門東西旁門入。立
於階下。未八八分公以下。滿漢文武四品官以
上。在大門外按翼排立。典儀官贊執事官各司
其事。贊引官奏就位。

仁宗睿皇帝就拜位立。司香奉香進。贊引官恭導

仁宗睿皇帝詣香案前立。司香跪。贊引奏跪。

仁宗睿皇帝跪。奏上香。司香進香。

仁宗睿皇帝受香盒拱舉。仍授司香。興。三上香。奏復位。
仁宗睿皇帝復位立。奏跪拜興。

仁宗睿皇帝率羣臣行三跪九叩禮。興。贊引奏跪。

仁宗睿皇帝跪。羣臣皆跪。典儀贊進

冊。大學士自案奉香

冊跪進於左。

仁宗睿皇帝受

冊拱舉。授左旁禮部堂官。禮部堂官跪接。興。陳於案。跪

三叩興退贊進

寶大學士由右跪進。

仁宗睿皇帝受

寶拱舉。授右旁禮部堂官。禮部堂官跪接如前儀。贊宣冊宣。

冊官詣案前跪將絹

冊自匣奉出。宣畢贊宣

寶宣

寶官詣案前跪將絹

寶自匣奉出。宣畢同安於匣內。包裹畢各行三叩禮退。

贊引官奏跪拜興。

仁宗睿皇帝行三跪九拜禮。衆皆隨行禮興。典儀官贊奠帛爵。行初獻禮。獻帛王奉帛匣跪供於正中案上。行三叩禮退。獻爵王奉爵立獻於供案正中。退讀祝官詣祝案前行一跪三叩禮興。奉祝文於祝案之東跪。贊引官奏跪。

仁宗睿皇帝跪。衆隨跪。贊讀祝。讀祝官讀畢。奉祝文跪安於帛匣內。行三叩禮退。贊引官奏拜興。

仁宗睿皇帝行三拜禮。衆皆隨行禮興。典儀官贊行亞獻禮。獻爵王奉爵立獻於供案左。典儀官贊行

終獻禮。獻爵。王奉爵立獻於供案右。贊引官奏
跪拜興。

仁宗睿皇帝行三跪九拜禮。衆隨行禮。典儀官贊奉祝

帛

冊

寶恭送燎位。宣

冊

寶官奉祝官。奠帛。王詣各案前跪。俱行三叩禮。興。奉祝

帛絹

冊

寶依次由中門出。恭送燎位。時贊引對引官恭導。

仁宗睿皇帝轉立東旁。鋪拜褥。官跪起拜褥。俟祝帛。

冊

寶畢出。前引十大臣禮部堂官二人接引。鋪拜褥。官仍

跪鋪拜褥。贊引官恭導。

仁宗睿皇帝還位立。鴻臚寺官引王公百官於兩旁避。

立。贊引官奏禮成。同對引官恭引。

仁宗睿皇帝出殿至左門外。乘輿還宮。衆皆退。翼日頒

詔布告天下。初九日。行百日禮。因十一日係屬破日。奏改。楮錠五

萬楮錢四萬五千。色楮二萬。饌筵二十五。席羊

九酒十三尊。王公百官公主福晉命婦等皆齊集。讀文奠獻陳設禮儀與初祭同。○又

諭朕嗣後每月初一十五日戴緯帽穿藍袍紅青褂。不挂朝珠。諸王大臣官員等亦俱穿紅青褂。不必挂朝珠。○初十日。

仁宗睿皇帝請髮。王公大臣文武官員軍民人等俱行薙髮。○十三日奏准。朝鮮國王差使臣恭齋祭文。已奏交內閣繙譯。所有該國貢進禮物。應將香燭白銀果品清蜜等物。交與內務府光祿寺。豫辦饌筵四十一席。酒二十一尊。羊十七。於祭

日應用。其苧布綿紬楮張。交工部將楮張打造楮錢。苧布綿紬俱設於燎牀。並將綿紬酌量染造鋪祇蓋祇。致祭日期。交欽天監選擇。祭酒大臣。由部屆期奏請。

欽派。五月十三日早。朝鮮國使臣恭詣

几筵前進香行禮。

法駕鹵簿全設。工部設幕於

觀德殿二門外之西。置奠几。陳燎牀於燎所。具楮幣。設祭文案於

殯宮西檐下。讀祝官恭奉繙譯清字朝鮮國祭文設於

案王以下奉恩將軍以上民公侯伯以下滿漢
文武四品官以上均齊集。按翼序立。朝鮮使臣
等戴官帽。穿素服。束角帶。鴻臚寺官引立於右
翼之末。內務府官陳設祭品。點朝鮮所進香燭。
鴻臚寺官引朝鮮使臣等至儀仗之南。北嚮立。
贊行三跪九叩禮畢。退立原班。衆咸舉哀。俟進
饌畢。讀祝官詣黃案前奉祭文。至檻外正中嚮
上立。內務府官進奠几於階下正中。

簡派祭酒大臣至奠几前嚮上立。鴻臚寺官引朝鮮國
使臣等仍於原行禮處北嚮立。讀祝官跪。禮部

堂官二人跪展祭文。祭酒大臣並齊集之王公
官員及朝鮮使臣等俱跪。哀暫止。讀祝官讀祭
文畢。復陳於黃案上。舉哀如初。祭酒大臣祭酒
三爵。每祭行一叩禮。衆皆隨行禮。朝鮮使臣等
亦隨行禮畢。興。鴻臚寺官贊朝鮮使臣等復行
二跪六叩禮。退立原班。俟徹饌畢。讀祝官奉祝
文出。送燎所。哀止。鴻臚寺官引朝鮮使臣出。衆
皆退。○二十五日奏。六月初五日小暑。七月初
一日立秋。所有小暑後

觀德殿周月禮。應照例不陳設

冠服。其楮錠存俟中元致祭時。一同焚化。○六月二十
六日奏准。

簡派守護

裕陵之王大臣侍衛等。令其於

梓宮奉移之前一月。先往

裕陵居住。敬謹守護。○七月初六日

諭。據總理喪儀王大臣會同禮部奏稱。奉移

高宗純皇帝梓宮。請遵

世宗憲皇帝舊制。步行送至景山東門等語。此固出於

臣下悃忱。但朕受

高宗純皇帝深恩實從前所未有將來奉移

梓宮瞻依

靈馭追慕無窮。若遵照舊制步送至景山東門。不足以展朕攀戀哀情。於心實有所不忍。况從前

聖祖仁皇帝梓宮奉移時。

世宗憲皇帝聖壽四十五歲。今朕甫及四旬。雖積哀之餘。自揣精神步履。足以支持。且奉移之期。係在九月。非夏令可比。今王大臣以步送至景山東門為請。著不准行。朕必當躬親送至朝陽門。藉以稍申哀慕。

十五日。

仁宗睿皇帝詣

几筵前行中元禮。用楮錠十萬。楮錢七萬。畫緞一萬端。色楮二萬張。饌筵三十一席。羊九。酒九尊。讀文齊集。陳設禮儀。與初祭同。○十六日

諭。據王大臣等合詞奏稱。奉移

高宗純皇帝梓宮時。請朕勉循舊制。仍步送至景山東門一摺。固屬臣下悃忱。但朕受

皇考教育之恩。至為深重。將來奉移

梓宮時。惟有躬親步送。庶幾稍申哀慕之誠。且自念精力方強。不但步送至朝陽門。即於途間

梓宮每次換班時。朕下馬跪候。亦力所能任。今王大臣等請朕祇送至景山東門而止。於心實有所不忍。惟念從前

世宗憲皇帝

高宗純皇帝兩次恭送

梓宮。俱有舊制。朕亦不敢過禮。而僅送至景山東門。實不足以展朕哀情。此次恭移

皇考梓宮。朕當步送出皇城至東安門外階下跪送。以盡追慕無窮之意。王大臣等不得再行瀆請。如必欲懇朕祇送至景山東門。則是王大臣等不能曲體朕

心。仍當堅執初志。步送至朝陽門也。○二十九日。嚮
導大臣奏。

梓宮奉移

裕陵沿途

皇后應有晚奠之禮。並豫備

皇后主位等城。奉

旨。皇后主位等城。著不必豫備。照舊例。俟朕行晚奠禮
回宿次後。皇后率大內宮眷。仍詣行晚奠禮。○八月

十三日。恭值

高宗純皇帝聖誕。法駕鹵簿全設。

仁宗睿皇帝於朝奠前。素服。冠去纓緯。詣

几筵前。上香。行三跪九拜禮。停止舉哀。王公百官咸素

服。摘纓。隨行三跪九叩禮。禮畢各退。至朝晡日

中三奠。仍照常供獻。又奏雉。

陵寢供奉

神牌。若按例俟冬至大祀奉入

饗殿。為期未免較遠。應請於九月十九日

升祔吉期。

欽派承祭王一人。具朝服行禮。恭請

高宗純皇帝神牌安奉於

饗殿正中寶座上。

陵寢辦事之王大臣以次安奉

孝賢純皇后神牌於左。

孝儀純皇后神牌於右。照

陵寢四時大祭例讀文致祭。其未奉入

饗殿以前。令

裕陵大臣每日照例在

東配殿點香蠟供奉。至奉入

饗殿後三周年內忌辰致祭。應於

寶城前行禮。○二十五日奉

旨。總管內務府大臣公景燭著添派總理喪儀。○二十

八日。行八周月禮。錄九月初三日止在途次。奏請移於此日。○是日。

仁宗睿皇帝於太和門行恭閱

孝賢純皇后

孝儀純皇后

冊

寶禮。御常服。挂朝珠。所有執事大臣官員等均穿常服

挂朝珠。○二十九日。以九月初二日奉移

梓宮。送往

裕陵。遣官各一人。告祭

天

地

太廟後殿

奉先殿

社稷。○九月初一日。行祖奠禮。用楮錠五萬。楮錢五萬。色楮五萬張。饌筵三十一席。羊九。酒十五尊。饗

儀衛官校陳

法駕函簿於大門外。工部設幕於

殯宮二門外之西。置奠几。設祭文案於

殯殿內稍西。陳燎牀於燎所。具楮幣。內監陳

冠服篚於供牀。恭理喪儀。王大臣內務府大臣率執事官陳果筵於

几筵前。列饌。筵於丹陛兩旁。陳羊酒於幕內。讀祝官奉祭文。禮部堂官二人前引。由

殯宮中門入。設於案。出。王公百官公主福晉命婦等咸齊集。讀祝奠獻儀與啟奠同。祭畢。恭請

法駕。鹵簿同楮錢焚化。○初二日。恭移

梓宮送往

裕陵。鑿儀衛陳

法駕鹵簿。工部設

冊

寶亭於階下。禮部內務府大臣恭請香

冊香

寶安奉亭內俟

靈駕啟行時。校尉恭昇在鹵簿後隨行。工部官陳八十

人大輦及三十二人小輦於

觀德殿大門外。其一百二十八人所昇大昇輦。以

城門不能容。於第一宿安奉

梓宮後豫備。所有恭昇

梓宮之夫役。共分六十班。輪流昇行。首班末班用校尉。

餘班俱選近畿精壯民夫。每日用三十班。每班多備四名。共計夫役七千九百二十人。第一日仍用八十人。直隸總督率司道府州縣等官管轄。會同京堂少卿以下科道主事以上。八旗公侯伯以下雲騎尉以上。及前鋒參領護軍參領八旗參領副護軍參領副參領上三旗一等待衛下五旗王府長史散騎郎一等護衛等官。每班各四人管轄。工部夫頭四人備四人。分為兩班。輪擊響尺。節示進退。鑾儀衛官更換指示。

御前王大臣等於大門內東旁齊集。王以下滿漢三

品大臣以上蒙古王至台吉等聞散宗室覺羅並三旗包衣渾托和等於大門外東旁齊集四品以下有頂戴官員以上及年老不能步行之大臣官員俱在城外關廂內齊集內裏行走之福晉公主命婦等在

殯殿內齊集王等福晉以下八分公夫人以上在

殯宮大門內西旁齊集未入八分公夫人以下三等待衛內務府三旗官員妻以上在

殯宮大門外西旁齊集包衣渾托和拜唐阿護軍領催等之妻在三旗官員妻之次齊集屆時禮部堂

官奏請

仁宗睿皇帝喪服詣

梓宮前。祭酒三爵。每祭行一拜禮。衆皆隨行禮。舉哀。恭
理喪儀王大臣禮部工部內務府鑾儀衛大臣
率執事官及穿駕衣校尉進小舉。恭請

梓宮登小舉。

仁宗睿皇帝先至大門外東旁立候。

梓宮出跪。

梓宮登大昇輦。禮部堂官祭舉。三祭三叩興。焚楮錢。

靈駕啟行。導以

騎駕函簿。

仁宗睿皇帝興在

靈駕左步行。送至東安門階下跪候。

靈駕過。

仁宗睿皇帝乘輿。由另修路先詣第一站

盧殿旁備用城祇候。

孝和睿皇后率大內宮眷等瞻望

靈駕啟行後出

景山西門。由另修路先至第一站宿次祇候。應留
京之王大臣官員等隨行至闕廂外按翼排班。

俟

靈駕過時跪迎舉哀各散應隨送之王公大臣官員等
隨行至關廂外換二班時騎馬隨行內監每班
十名侍衛每班二十人俱分班更換在

靈駕兩旁步隨至派出之近前行走王大臣內監等皆
在

靈駕兩旁騎馬隨行恭理喪儀王大臣禮工二部內務
府堂官鑾儀衛大臣俱於

靈駕兩旁巡查每換班時隨行之王大臣侍衛內監等
俱下馬跪候換班畢仍在原處上馬隨行此後

執豹尾槍侍衛隨行。其次帶領衆人之侍衛隨行。又次王大臣官員依序隨行。所過門橋。派內大臣輪班祭酒三爵。每祭一叩興。焚楮錢。

靈駕將至

虛殿。

仁宗睿皇帝於黃網城後門外東旁跪迎。舉哀候過。興隨行。末班之王大臣官員豫從別路先往黃布城北門外。排班跪迎。

靈駕舉哀候過。從黃布城兩旁至大門外。按翼排立。騎駕函簿排設於大門外。

靈駕進

蘆殿奉安畢。列

冊

寶於左右。供果卓。

仁宗睿皇帝行夕奠禮。祭酒三爵。衆隨行禮。立舉哀。各退。

孝和睿皇后率大內宮眷行晚奠禮畢。各回宿次。○在途每日早。陳

騎駕鹵簿於大門前。屆時。

仁宗睿皇帝詣

蘆殿行朝奠禮。祭酒三爵。每祭行一拜禮。衆皆隨行禮。
焚楮錢。

靈駕啟行。導以

騎駕因簿。

仁宗睿皇帝於東旁隨行出中門。於網城外南邊跪候。

過輿乘輿由另修路先詣第二站。

蘆殿旁備用城祇候。

孝和睿皇后率大內宮眷等進。

蘆殿東北門。於

蘆殿內旁開瞻仰。

靈駕啟行後。仍由原進門出。先至第二站宿次。祇候所。

有王公大臣官員等。按翼排班。俱於

靈駕啟行時。跪舉哀。候過。隨行至換班處。乘馬。

靈駕將至

蘆殿。

仁宗睿皇帝率王公百官跪迎如初。俟奉安

靈駕列

冊

寶及供果筵畢。

仁宗睿皇帝

孝和睿皇后以次行夕奠禮。各退。每日俱仿此○每宿

蘆殿前點香鐙及

蘆殿前門。各派太監十名。內裏太監俟香鐙盡時。將鑪

內火止熄。出與前門十名太監輪班坐更守護。

後門亦派太監二十名看守。圍牆內外豫備激

桶八座。由八旗護軍營取用。每旗派章京一員。

領催兵丁各十名。每日令各旗擡至宿處。每宿

交地方官於

蘆殿周圍設放水缸。盛滿清水。○沿途百里內地地方文

武官於路右百步外跪迎。舉哀候過。隨至宿次

黃布城外。行三跪九叩禮。供獻時。文職在正藍旗之末。武職在鑲藍旗之末。隨班行禮。舉哀。各退。○初六日。

仁宗睿皇帝由呂家莊行營御青長袍褂。冠緞纓緯。恭詣

東陵先謁

昭西陵

孝陵

孝東陵

景陵次詣

孝賢純皇后陵

孝儀純皇后陵於

裕陵隆恩門外朝房南山牆降輿冠去纓緯詣

寶城前奠酒行禮近侍數人去纓緯隨謁

地宮其隨侍之大臣侍衛等不去冠纓禮畢

仁宗睿皇帝至更衣幄次換金龍袍褂詣

隆恩殿行加上

孝賢純皇后

孝儀純皇后

尊諡禮百官均蟒袍補服禮成

仁宗睿皇帝復至幄次更縞素。王公大臣等俱摘纓隨。仁宗睿皇帝回岳各莊第五站行營詣。

梓宮前行夕奠禮。○是日。

梓宮前朝奠。

簡派王一人恭代行禮。○初七日。

梓宮至

陵除在

陵直班人員外。其王貝子大臣侍衛官員包衣佐領拜

唐阿等俱在興龍口外跪迎。舉哀候過隨行。

仁宗睿皇帝於朝奠後。先至大紅門內幄次恭俟。

靈駕至大石牌樓海墁處。

仁宗睿皇帝由幄次出跪迎。工部豫設梭薦。鑿儀衛大

臣率校尉恭請

靈駕暫停。太常寺官設拜褥於

靈駕東旁稍後。

仁宗睿皇帝詣拜位。恭代

高宗純皇帝嚮

祖陵行三跪九拜禮畢。

靈駕啟行。

仁宗睿皇帝於東旁

親引。

靈駕進新開門時。跪迎興。仍

親引。

靈駕上

神路至大牌樓。

仁宗睿皇帝豫詣

裕陵五孔橋恭俟。

靈駕自紅門東旁柵欄進。由甬路行至大門外。登小舉。
仁宗睿皇帝跪。候過興。隨行。

法駕鹵簿自紅門起迎。設俟。

騎駕鹵簿到時。各在本處下馬同行。自三孔橋起。
排設至

饗殿大門外止。

梓宮由中門入。奉安於

饗殿。

仁宗睿皇帝暫避立於

東配殿之南。俟設

几筵列

冊

實於左右案上。

仁宗睿皇帝詣

梓宮前祭酒三爵。每祭行一拜禮。衆隨行禮。禮成。

仁宗睿皇帝詣

純惠皇貴妃園寢行禮畢。還行營。○是日早。

孝和睿皇后停止進謁

梓宮先詣

東陵恭謁

昭西陵

孝陵

孝東陵

景陵次謁

孝賢純皇后陵

孝儀純皇后陵行禮畢詣

隆恩門內西旁幄次恭俟

梓宮奉安

饗殿。

仁宗睿皇帝行禮後。

孝和睿皇后詣

几筵前祭酒三爵。行禮畢。還行營。○是日。以

梓宮至

陵遣官各一人。告祭。

昭西陵

孝陵

孝東陵

景陵

孝賢純皇后陵

孝儀純皇后陵。並

裕陵后土之神。

昌瑞山神。○又奏准。自初九日起至十三日止。每日

朝奠。請

皇帝親詣

几筵前奠酒。其初八至十四。此七日每逢日中。晡奠。仍

由

簡派王大臣等輪班奠酒。又

諭。明年正月初三日。為我

皇考高宗純皇帝初周大祭。朕應敬詣

山陵躬親叩謁。王大臣中若有以正月元旦為詞請展

期啟鑿者。固屬臣下愛敬之忱。然不足以申哀慕之

意。儻有所請。必不准行。朕於明年元旦致祭

堂子

奉先殿

壽皇殿禮成後即行啓鑾初三日著派睿親王代朕敬

詣諸

陵展謁朕即親詣

裕陵行初周年致祭禮○初八日行饗奠禮用楮錠三

萬楮錢三萬色楮三萬饌筵二十五席羊七酒

十五尊

法駕鹵簿全設陳

冠服篚於供牀設祭文案於

隆恩殿內稍西請祝官豫奉祭文禮部堂官二人前引

由

隆恩門中門入。設於案。出。供果卓於

饗殿正中。供羣卓於月臺兩旁。反站涼棚設於

隆恩門內東旁。楮張設於碑亭前空處。

皇子及

御前王大臣等於丹陛兩旁。王以下。入八分公以上。於隆恩門外月臺上。內大臣侍衛於月臺下。未入八分公。及滿漢文武官員於東西配房前。按翼排立。

孝和睿皇后率大內宮眷等。豫詣

隆恩殿內西旁帷幄後恭俟。福晉命婦等在

隆恩門內西配殿前立。屆時。

仁宗睿皇帝由

隆恩殿左門入。詣

梓宮前東立。西嚮舉哀。衆咸舉哀。尚茶跪進茶。衆皆跪。
仁宗睿皇帝舉茶奠於案。行一拜禮。衆隨行禮。尚茶徹
茶。次尚膳進膳。

仁宗睿皇帝親上食畢。執事官進奠几。讀祝官恭奉祝
文於祝案左旁跪。禮部堂官二員左右跪。恭展
祭文。

仁宗睿皇帝於奠几前跪。衆皆跪。哀暫止。讀文畢。復於

案傳哭如初。奉爵大臣跪進爵。

仁宗睿皇帝祭酒三爵。每祭一拜興。衆隨叩興。

仁宗睿皇帝復位立。乃徹饌。讀祝官奉祭文。禮部堂官

前引。內監恭請。

冠服篋。宮殿監侍二人前引。由中門出。

仁宗睿皇帝豫出。

隆恩殿左門。

冠服至。跪候過興。在後隨行。

冠服至月臺下。內大臣十人前引。齊集之王公大臣官

員等按翼排跪。候過在後隨行。於楮堆兩旁稍

遠排立。俟。

冠服祭文恭安畢。

仁宗睿皇帝詣奠酒處跪。衆皆跪。奉爵大臣奉爵。

仁宗睿皇帝奠酒三爵。每祭行一拜禮。衆皆隨行禮畢。

仁宗睿皇帝稍後立。東嚮舉哀。衆咸舉哀。奉爵大臣灌

畢。哀止。

仁宗睿皇帝乘輿還行營。

孝和睿皇后率宮眷等還行營。執事官恭請

騎駕鹵簿。同楮錢焚化。○十二日。以十五日

梓宮奉安

裕陵遣官各一人。吉祭。

天

地

太廟後殿

奉先殿

社稷。○十三日

諭朕於十八日自燕郊回京。御尋常袍褂冠。綴纓緯。所有隨從大小官員。俱著穿常服。不挂朝珠。其接駕之王公大臣官員等。亦俱著穿常服。不挂朝珠。○十四日。行遷奠禮。陳羊酒饌筵。各祭物如數。讀文齊。

集儀與饗奠同。祭畢。

冠服楮錠暫停焚化。

仁宗睿皇帝詣更衣幄次少俟。所有齊集王公百官仍於原齊集處排立。王大臣帶領執事人等恭奉梓宮登小輦。禮部堂官奏請

仁宗睿皇帝詣

梓宮前舉哀。祭酒三爵。每爵一拜興。衆隨舉哀行禮。執事人等恭奉

梓宮由中階降。循殿東行。入

陵寢中門。

仁宗睿皇帝於左旁

親引上平臺。至

蘆殿內。詣東稍間少俟。俟

梓宮奉安於

蘆殿正中北嚮龍輅上。徹小舉。解去圍緞等項。設

几筵。陳

冊

寶於左右案上。禮部堂官奏請

仁宗睿皇帝詣

梓宮前祭酒三爵。每祭行一拜禮。東隨叩興。

仁宗睿皇帝由左門出。乘輿還行營。執事官恭請
冠服儀仗。至楮堆處。一同焚化。○十五日。

梓宮安葬

裕陵。王公大臣官員等俱齊集。派出奉

冊

寶之王貝勒等恭奉

高宗純皇帝

冊

寶。並先期恭請

孝賢純皇后

孝儀純皇后

冊

寶。以次奉安於左右几上。屆時。

仁宗睿皇帝入

隆恩門東門。由

隆恩殿東旁行。入

陵寢門東門。詣

梓宮前哭。南嚮祭酒三爵。每祭一拜興。東傳哭。隨叩興。

仁宗睿皇帝躬引

梓宮御龍輜。執事者奉輜由軌道入

地宮。太監執鐙前導。派出之王大臣等隨入。故視永安

於

寶牀上。執事者以龍輜木軌出。故封石門。大葬禮成。

仁宗睿皇帝於祭臺前哭。祭酒三爵。每祭一拜興。衆皆
哭。隨叩畢哭止。

仁宗睿皇帝至幄次。更龍袍龍褂。俟

隆恩殿陳設俎豆牲牢畢。禮部堂官奏請

仁宗睿皇帝詣

隆恩殿行恭題

神主禮。鑿儀衛豫設黃輿於

隆恩殿丹陛上。執事官設

寶座於殿內正中。前設供案香案。設題

主案於香案東旁。西嚮。黃緞枕褥具。再設一案於東旁

稍次。安放帛爵。設祝案於殿內稍西。又設一案
於

寶座旁南嚮。啟櫝大臣恭請

神牌。連櫝奉安於

寶座旁南嚮案上。讀祝官奉祝版設於案。太常寺官設
仁宗睿皇帝拜褥於正中。恭題

神主之滿漢大學士二人朝服入俟。執事陪祀隨從各

官俱蟒袍補褂。豫備畢。贊引對引官恭導。

仁宗睿皇帝由

隆恩門東門入。詣拜位北嚮立。鴻臚寺官引王以下公以上。由東西臺階行至丹陛下。文職五品以上。武職四品以上。在丹陛下。按翼排立。奉讀大臣進啟。讀。奉。

神主恭安於東案西嚮。倚供於黃褥枕上。大學士二人詣案前東嚮行一跪三叩禮。興就題。

主位東嚮立。恭題。

神字空處題畢。起奉。

神位於案上。行禮如初。

仁宗睿皇帝恭奉

神位安奉於正中

寶座上。行一跪三拜禮興。乃行虞祭禮。上香讀祝三獻。

如大饗儀。禮畢。禮部太常寺堂官嚮上跪奏。請

神主升輿詣

太廟祔饗。奏畢。贊引對引官引

仁宗睿皇帝詣

寶座前。行一跪三拜禮。恭奉

神主興。安奉於黃輿內。太常寺豫設拜褥於黃輿前。

仁宗睿皇帝就拜位行一跪三拜禮興。避立東次。校尉
恭拜

神輿行前列

御仗二對。黃蓋一柄。禮部堂官二人。同前引十大
臣侍衛二十人前引。領侍衛內大臣帶領侍衛
班領執豹尾槍侍衛在黃輿後。

神輿由中門出。

仁宗睿皇帝由左門出。步送至碑亭。跪候過輿。詣更衣
幄次。換藍袍青褂。至升輿處升輿。由別路先詣
宿次恭俟。

神輿出大紅門。所有前引後扈大臣及執事各官均更換藍袍青長褂。冠綴纓緯。乘馬依次行走。

神輿至宿次。供奉於黃幄正中。前設供案香案。執事官

陳果品十二色。供酒三爵。禮部太常寺堂官奏

請

仁宗睿皇帝詣

神位前行禮。恭引

仁宗睿皇帝入黃幄。跪拜位立。奉香官舉香盒進。至香

案右立。

仁宗睿皇帝詣香案前。奉香官跪進香。

仁宗睿皇帝跪接香盒拱舉仍授奉香官興就拜褥上

行三跪九拜禮

此行禮時王公百官不隨行禮每月仿此禮畢恭導

仁宗睿皇帝出黃幄至升輿處升輿還行營○是日以山陵禮成遣官各一人告祭

昭西陵

孝陵

孝東陵

景陵

裕陵后土之神

昌瑞山神○十六日執事官於

神位前供酒三爵。禮部太常寺官前引。

仁宗睿皇帝詣黃幄內。上香。行一跪三拜禮。出黃幄立。

東次。執事官徹香案供案。鑿儀衛官領校尉恭

昇。

神輿行仍前列。

御仗黃蓋前引。後扈如初。

神輿出。

仁宗睿皇帝跪候。過輿至。升輿處。升輿。王公百官於網

城外各按翼排跪候。過隨行。

仁宗睿皇帝先詣宿次。祇候。

神輿至。安奉畢。行夕奠禮。如前儀。每日朝夕禮儀仿此。沿途百里

內文武各官俱朝服於百步外跪迎道右。至晚

詣黃幄前叩謁。行三跪九叩禮。每日皆同。十

八日。

仁宗睿皇帝於早晨詣

神主前上香行禮畢。豫先還宮候迎

神輿。是夕次。早上香行禮。俱遣王恭代。○十九日。

神輿至京城。由朝陽門入。隨從之王公大臣官員俱朝

服隨行。在京滿漢文武大臣官員等俱朝服跪

迎於

大清門外。

仁宗睿皇帝具禮服出宮。

午門鳴鐘。出入不作樂。

仁宗睿皇帝率諸王貝勒貝子公內大臣侍衛等俱朝

服跪迎於

端門外。俟

神輿過隨行。

神輿入

太廟街門中門。

仁宗睿皇帝隨入。王以下陪祀各官按翼隨入。乃行

升祔禮。詳見
升祔儀。